

hominum conscientia extraordinario lumine illustrata, ut possint legere antea acta sua opera.

9. Christus in ultimo iudicio allegabit bona electorum opera, non tanquam merita, sed tanquam actus & signa fidei.

C A P. XXXII.

De Vitâ eternâ.

1. **S**Tatus hominis pij est via, vel patria. Ille est in hac lachrymarum valle: hic est futuræ vitæ.

2. Vita est natura, gratia, vel gloria. Illam habemus ex creatione, istam ex justificatione & sanctificatione, hanc ex glorificatione.

3. Regnum Dei est natura (quod etiam dicitur potentia & providentia.) gratia vel gloria. Illud tam latè patet, quàm latè patet hic mundus; istud est in ecclesiâ militante; hoc in triumphante.

4. Beatitudo hominis est inchoata, vel consummata. Eâdem ratione distinguitur vita æterna, & glorificatio.

5. Visio Dei post hanc vitam est beatifica, vel horrifica. Illo modo electi vident Deum; hoc, reprobi.

6. Mors est temporalis, vel æterna. Mors temporalis est alia corporalis seu naturalis, alia spiritualis, & hæc est fidelium, qui pecca

pecca